



Siverth K. Heilmann

UK 2020/42-1

Atassut

22. Oktober 2020

Nunatsinni tarnimikkut napparsimasut atugaat pillugit iliuusissat pitsanngorsarneqarnissaat siunertaralugu nuna tamakkerlugu iliuusissamik pilersaarummik Naalackersuisut UKA2020-mi saqummiusseqqullugit Inatsisartut aalajangiiffigisassaattut siunnersuut.

(Inatsisartunut ilaasortaqa Mikivsuk Thomassen, Inuit Ataqtigiiit)

Nunatsinni tarnimikkut napparsimasut atugaasa iliuusissat pitsanngorsarneqarnissaannut siunertaralugu pillugu, inatsisartuni ilaasortaqa, Mikivsuk Thomassen, Inuit Ataqtigiiit siunnersuuteqarninnut qujanaq, imatullu Atassummiit naatsumik oqaaseqarfigissavarput.

Siunnersuuteqartup qulaani qulequttamat atatillugu, Naalackersuisunut apeqquteqaateqarnermigut akissutissarsinermigut naqissuserneqarpoq nassuerutigineqarlunilu, ilumut tarnimikkut nappaatillit atugaat suliniutillu pitsanngorsarneqartariaqarnerat. Ukiuni arlalinni tarnimikkut napparsimasut Dronning Ingridip Napparsimmavissuani suliarineqartartut amerliartuinnavissimapput, sulilu amerliartuinnaarnissaat naatsersuutigineqarluni.

Taamatut ineriartorneq soorunami ernumanarmat, Naalackersuisuniit iliuuseqarfigerusunneqarmat, Atassummiit siunnersuuteqartumut akissutaasoq iluarisimaarlugu oqaatigiinnarsinnaavarput. Nammineq aggerfigisanniit qangaanerusoq, tarnimikkut nappaatillit inersimasuunerusuusarput, soorunalumi kommuunerisatsinniik sullinneqarnerat ineqartitaanerallu pitsaasumik aallunniarneqartarnera eqqaaginnarsinnaavara.

Ukiunili makkunani, meeqqat inuusuttullu sumiginnakkat atonerlunneqartarnermikkullu napparsimasut katsorsarneqartariaqarnerallu pisariaqavippoq. Angajoqqaatut innuttaaqataasutullu tamavitta ajornartorsiutaasup annikillisarneqarnissaanut nungutivinneqarsinnaanerallu akisussaaffimmik pimoorusisa.

Taamatut naatsumik Atassummiit oqaaseqarluta, inassutigissavarput suliap aappassaaneerseqartigani ataatsimiititaliami susassaartumi nalilersueqqinneq Naalackersuisut allanguutissatut siunnersuutigineqartoq ilanngullugu suliarineqaaqqaassoq.

Qujanaq.